

UGOVOR

ZA NABAVKU KLIMA UREĐAJA ZA POTREBE USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine, (u daljem tekstu: **Naručilac**),

i

„**CLIMA TRADE d.o.o.**“, Ul. Džemala Bijedića br. 301, Sarajevo, koga zastupa Akif Gačanović, direktor (u daljem tekstu: **Isporučilac**).

Član 1.

Predmet ugovora je nabavka i ugradnja klima uređaja za potrebe Naručioca, prema definisanim uslovima iz tenderske dokumentacije broj P3-521/15 od 9. novembra 2015. godine i prema sadržaju ponude broj 535-CT/15 od 17. novembra 2015. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda.

Član 2.

Cijena za nabavku i ugradnju iz člana 1. ovog ugovora definisana je u obrascu za cijenu ponude Isporučioca i iznosi 7.704,00 KM bez PDV-a, odnosno 9.013,68 KM sa PDV-om.

U cijenu su uračunati svi troškovi isporuke (osam) klima uređaja, instalacije, podešavanja, testiranja i puštanja u rad.

Član 3.

Isporučilac se obavezuje da će izvršiti isporuku i ugradnju robe u skladu sa članom 1. ovog ugovora na adresu Naručioca, najkasnije u roku od 30 dana od dana zaključenja ugovora.

Isporučilac se obavezuje dostaviti i ugraditi robu Naručiocu, u traženim količinama i u dogovoreno vrijeme u prostorije Ustavnog suda BiH - ulica Reisa Džemaludina Čauševića 6, treći sprat, kvalitete koja odgovara kvaliteti iz obrasca za cijenu ponude Naručioca i ponudi Isporučioca.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe i ugradnje bez primjedaba i prijemu fakture, fakturu prosljediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Sve troškove u vezi sa dostavom i ugradnjom robe po ovom ugovoru snosi Isporučilac.

Nadzor i kontrolu ugradnje robe vršit će Služba za zajedničke poslove institucija Bosne i Hercegovine.

Član 6.

Isporučilac se obavezuje da osigura servisiranje robe koja je predmet ovog ugovora u garantnom roku iz tenderske dokumentacije i ponude Isporučioaca.

Isporučilac garantuje Naručiocu prioritet kod servisiranja uz poštivanje rokova za odziv i popravku, u skladu sa ponudom.

Član 7.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima.

Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


Član 9.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA


Aki Gačanović
Direktor



Sarajevo, 07.12.2015
Broj: 1136-01/15


Mirsad Čeman

Predsjednik Ustavnog suda BiH

Sarajevo, 07.12.2015.
Broj: P3-521/15